


Investigacion den asunto di otorgamento di tereno di Gobierno

"Caso Avestruz" a cuminza Diaranzon cu razzia na ocho cas y negoshi



ORANJESTAD (AAN): E investigacion ta draai rond di un solo pregunta: E ex-Ministro encarga cu Tereno durante ultimo gobernacion, a "regala" compinchinan cierto tereno, cu mesora despues a worde "bendi" cu gruponan stranhero pa mijones.

El a bira conoci awor como "Caso Avestruz", y Diaranzon mainta, tanto funcionarionan di Lands-Recherche conjuntamente cu RST, Huez-Comisario, Sub-Fiscal, y den cooperacion cu Cuerpo Policial di Aruba, a tene razzia na ocho diferente cas y negoshi. Tin indicacion cu a haya sosten tecnico for di Hulanda tambe durante

e razzianan aki. Esey ta duna un indicacion cu e investigacion aki a tuma un embergadura grandi.

E razzianan aki ta pa duna oficialnan di Lands-Recherche hunto cu Sub-Fiscal, un chens pa lista den tur documento y computer cu e personanan di interes tin den nan cas of oficina.

Tambe e razzianan aki ta den cuadro di un investigacion penal di Lands-Recherche na posible delitnan di corrupcion y otro hechonan castigable posiblemente cometi relaciona cu otorgamento di terenan di gobierno.

Mas concretamente: E investigacion ta dirigi



riba e pregunta si un of mas compania a obtene a base robez (un opcion riba) derechonan di erfpacht di terenonan di Pais Aruba den e añanan 2009 te 2017.


Ademas ta investiga e rol di un minister anterior den esaki.

Aki nan ta referi na ex-Ministro Benny Sevinger di AVP.

Cu sosten di Lands-Recherche Curasoleño a tene tambe un razzia na Curaçao den cuadro di e investigacion.

A tene razzia tambe na cas di ex-Directora di Canal 90, esta Leoncita Arends. Tambe a tene razzia na cas di Gaby Werleman kende ta hopi liga na AVP. Tambe na oficina di Fast Delivery na Playa. Tambe a haci esey na cas di Freddy Every. Despues den dia a tene razzia tambe a cas di comerciante Neme. Posteriormente a sigui pa un razzia na e oficina di e comerciante aki den e compleho di The Village, cu ta e area turistico riba Itrausquin Boulevard na Palm Beach.

Ministerio Publico a confirma, cu den e razzia y listamento aki, nan a confisca un multitud y caha yen di documento. Tambe a confisca diferente computer. Nan tin acceso na hermentnan cu hasta si e hendenan aki a "delete" folderman for di nan computer, nan por haya nan bek.



Testigonan a mira cu funcionarionan tabata sali cu caha y mas caha for di e casnan aki. Ningun di e personanan na e casnan aki no a stroba e investigacion, y a duna tur nan cooperacion.

Na final di dia, ningun detencion a cay. Esey ta di compronde, pasobra keto bay e investigacion ta den cierto fase. Y Ministerio Publico a confirma esey tambe, cu pronto lo cuminza interroga sospechoso y mas.

"Den e simannan venidero e team di investigacion lo entre otro, analisa e contenido di e administracion y e computernan, y sigui pa scucha sospechosonan y testimonian," segun e boletin emiti Diaranzon merdia.

E investigacion ta ainda den un fase inicial. Ministerio Publico no kier ni por bisa na e momento aki ainda si despues lo tin detencion di un of mas sospechoso. Esey ta depende entre otro di e resultadonan di e investiga-

